


Bu yıl gagauzlara karşı yapılan Açlık genoğidın bitmesinin 75-ci yılı.



2022-ci yılın orak ayın (iyül) 7-dä tamamlandı 100 yıl büyük gagauz aydınadıcının, yazıcının, poetin, dramaturgun, folklorcunun, muzıkacının, bilim araştırmacının Prof. Dr. Dionis Nikolaevic TANASOGLUnun (07.07.1922 – 23.08.2006 y.y.) duuma günündän. *Oku 2-ci sayfa*

15 Temmuz – Demokratiya hem milli birlik Günü



Altı yıl geeri, 2016-cı yılın 15 Temmuz (Orak ayın (iyül) 15-şi) gecesi Türkiyede FETÖcular devlet devrimi denemesi yaptılar.

15 Temmuz (Orak ayın (iyül) 15-şi) günün “Demokratiya hem Milli Birlik Günü” olarak bakılmasının 6-cı yıldönümü kutlamalarının ilgili olarak, okuyucularımıza Türkiye Cumhuriyeti Kışnev Büyükelçisi Gürol SÖKMEN-SÜERin “15 Temmuz – Demokratiya hem milli birlik Günü” adlı statyasını tiparlêêrız. *7-ci sayfa*

Gelinnerimiz kara kaşlı – gözäl, kıvrak hem yakışıklı



Orak ayın (iyül) 18-dä Moldovanın Dubasar rayonunun Galerani küüyündä oldu sekizinci “IA MANIA – 2022” festivali, neredä, ev saabilerin dokuz küüyündän kaarä, pay aldılar Gagauziyanın Çadır kasabasının Uşak yaratmak Merkezin “L” adlı Modalar Teatrusunun modelleri dä. *8-ci sayfa*

Prezident Recep Tayyip ERDOĞAN Gagavuz Yeri Başkankasını kabul etti



Türkiye Respublikası Prezidentin ofişial saytı bildirer, ani Orak ayın (iyül) 27-dä Türkiye Respublikası Prezidenti Recep Tayyip ERDOĞAN Gagauziya Başkankasını İrina VLAHı kabul etti, ama detalli bir açıklama orada yok.

Gagauziya Başkankasının İrina VLAHın açıklamasına görä, bu buluşmada politika hem cümne-ekonomika soruşları incelenmiş.

Başkanka şükür etmiş Türkiye Respublikası Prezidenti Recep Tayyip ERDOĞANa o infrastruktura proektları için, ani Türkiye Pravitelstvusu Gagauziyada yapêr hem teklif etmiş Paalı Prezident Recep Tayyip ERDOĞAN buyursun da gelsin Gagauziyaya, Komrat kasabasında Türkiye tarafından yapılan Sport kompleksin ofişial açılışına.

Moldova Prezidenti Maya SANDU neçinsä Gagauziyaya gelmedi

Taa ileri annaşmaya görä, Orak ayn (iyül) 11-dä, Gagauziyaya bir vizitlän geleceydi Moldov Prezidenti Maya SANDU, ama Prezidenturadan açıkladılar, ani, pek çok zaametli iş grafii oldu için, Canabisi Gagauziyaya gelmeyecek.



Bu ortadan kaldırılan vizitin ön programasında vardı Moldova Prezi-

dentü Maya SANDU'nun Gagauziya öndercilerinnän buluşmaklar, Komrat rayon bolnişasına gezi, Komradın bir uşak başçasına uuramak. Neettä vardı, ani Prezident Maya SANDU büyük bir intervyu verecek Gagauziyanın cümne tele-radio kompaniyasına da.

Bundan kaarä Gagauziya Halk Topluşu deputatların umutları vardı sormaa Canabisinä “nicä insannar var nicä diri kalsınar bu zarplatarlar hem bu paalarlar?”, “neredä rus dilin korunması?”, “neçin tarafsız Moldova kableder 49 milion dolara siläh yardımını hem kiminnän o hazırlanêr cenk etmää?”

Gagauzka İrina PERÇEMLİ Üniversitetinin brincilär arasında

Türkiyenin Yurtdışı Türklär hem Akraba Topluluklar Başkanının (YTB) Bursları Programasınan dört yıl geeri Ankara Üniversitine öğrenmää girän gagauzka İrina PERÇEMLİ, 4,00 notadan 3,91 alarak, kendi fakultetini birinci olarak başardı.

İrina PERÇEMLİ, Gagauziyanın Kongaz küüyünün Suleyman DEMİREL lişeyini başarıp, 2018-ci yılda, Türkiyenin Yurtdışı Türklär hem Akraba Topluluklar Başkanının (YTB) Bursları Programasına görä, Ankara Üniversitetin politika bilgileri fakultetin halklararası ilişkiler bölümünä girdi da te, bu fakultetin studentlarının arasında birinci olarak hem diplomunda 4,00 notadan 3,91 alarak, 2022-ci yılda bu fakulteti birincisi oldu.



Şindi İrana PERÇEMLİ düşünêr hem onun neetindä var Türkiyedä öğrenmesini ilerletmää da halklararası ilişkiler uurunda doktora aaraştırmalarını yapmaa, bildirêr Türkiyenin Anadolu Ajenstvosu.

Gagauziya sesini kaldırêr: kuvettä bulunannar işidincä mitinglar olacek

Orak ayın (iyül) 10-da Moldovada hem Gagauziyada energiyeyä, iyecek mallarına hem yakıt paaların durmamayca kalkmasına karşı Komrat kasabasının baş meydanında geçti bir miting, neredä 25-30 kişi pay aldılar. Bir aftadan sora da, Orak ayın (iyül) 17-dä artık Gagauziyanın Çadır, Komrat hem Valkaneş kasabalarıda Moldovada gazın paasının hem onun ardına hepsi paaların büyümesine karşı protest mitingları geçti, nereyi artık bindän zeedä insan çıktı.

Komratta yapılan mitingin başında durdular Gagauziya Radio hem Televideniye (GRT) Gözledici komitetin predsedateli Mihail VLAH, Komrat munişipiyi Sovetinin sovetnii Vadim ANASTASOV hem Gagauziya Halk Topluşun Beşalmadan Gagauziya Başkankasının cep deputatı Grigoriy DÜLGER.

Bu mitingta pay alannar Moldova öndercilerine Moldovada hem Gagauziyada energiyeyä, iyecek malların hem yakıt paalarının durmamayca büyümesine karşı seslerini kaldırdılar, bu paa fırtınasında kabaatlı bulup salt Moldovanın Pravitelstvosunu hem teklif ettilär bu uurda Gagauziya Başkankasına karşı kötü bir laf sölämemää, unutup, bezbelli, ani Başkanka da

Moldova Pravitelstvonun azası da ölä mi, bölä mi, ama o da bu durmamayca paa büyümesi fırtınasının içindä var.

Komrattaki Orak ayın (iyül) 10-da olan mitingin sonunda mitingçılar teklif ettilär her pazar Komratta bu türlü mitinglar yapmaa hem umut ettilär, ani ötää dooru onnara binnärlän insan katılacak.

Bu umutlar da boşa diildilär. Bir afta sora, Orak ayın (iyül) 17-dä, Gagauziyanın Çadır, Komrat hem Valkaneş kasabalarıda hep bu konularla ilgili protest mitingları geçti, nereyi bindän zeedä insan çıktı.

Mitingçılar urguladılar, ani son bir yılın içindä Moldovada ekonomika hem cümne durumu ölä düştü, ani artık yaşamanın kemiinä bıçak dayandı. Ba-



arip “Moldova Pravitelstvosunu erä!” hem “Maya SANDUyu erä!”, mitingçılar acıyan urguladılar, ani kuvettä bulunan bu insannarın beterinä kertää geldik hem, ani Moldovada paalar hem tariflar taa üüsek oldular, nekadarkomuşu Ukraynada, neredä cenk gider.

Biri-biri ardı nasaat edän insannar istedilär Moldova pravitelstvosundan Rusiyaylan, insannara uygun olan, eni gaz kontraktı yapsınar, yakıttan tamojnä vergilerini kaldırsınar hem paaları belli bir uurda tutsınar.

Komratta olan mitingta teklif edildi Kişineva gidän yolları kapamaa hem “Kişineva gidip, Parlament hem Prezidentura binalarına akışmaa, ama bişeycik orada kırmamaa”.

Çadır kasabasındaki mitingta teklif

edildi “insannarın soruşlarını çözmää deyni Halk Komiteti kurmaa”.

Mitingçılar çaardılar Moldovanın başka kasabalarından da insannar mitinglara çıksınar, çünkü paaların büyümesi dokundu diil salt Gagauziya insannarına, ama bütün Moldovaya, onuştan “bekleeriz bizi işitsin Taraklı da, Basarabka da, Kaul hem başka kasabalar da”.

Mitinglarda alınan kararlarla ilgili Moldova Prezidentına Maya SANDUya bir kiyat yazıldı hem yollandı da şimdi o kiyada cuvap beklenêr. Cuvap sırası taa gelmedii için, Orak ayın (iyül) 24-dä mitinglar yapılmadı, ama, insannarın protestları sünmesin deyni, o gün Gagauziyada bu konulara baalı veloprobeglar yapıldı.



Dionis TANASOGLUnun duumasından 100 yıl

2022-ci yılın orak ayın (iyül) 7-dä tamamlandı 100 yıl büyük gagauz aydınadıcının, yazıcının, poetin, dramaturgun, folklorcunun, muzıkacının, bilim aaraştırmacının Prof. Dr. Dionis Nikolaeviç TANASOGLUnun (07.07.1922 – 23.08.2006 y.y.) duuma günündän. Bu yıldönümünän ilgili olarak Gagauzianın İspolkomu 2022-ci yılı Gagauziyada Dionis TANASOGLUnun yılı olmasını açıkladı.

Dionis TANASOGLU duudu 1922-ci yılın Orak ayın 7-dä Çadır rayonun Kiriye küüyündä. Çeketmä şkolayı başardı ana küüyündä, nedän sora anası-bobası onu yolladılar üürensın Akkerman kasabasında orta şkolada (1934-1938). Bundan sora da o üürendi Romıniyanın Birlad kasabasında lişeydä (1938-1943).

İl-ci dünnä cengindä romın askeri olarak cenk etti. Cenktän sora üüredici olarak işlemää başladı. İltkän Kiriye küüyündä (1945 y.), sora da 1946-cı yıldan beeri Çadır kasabasının şkolasında üüredici çalıştı.

1947-1952 yıllarda üürendi Kişinev “İon Creanga” adına Pedagogika İnstitutunda.

1947-1949 yıllarda Leningrad Teatru İnstitutunda üürendi.


Doktorluk disertasıyasını 1962-1965 yıllarda Bakudaki Lingvistika İnstitutunda yaptı.

1955-1967 hem 1970-1972 yıllarda Kişinev şkolalar İnstitutunda ilk hem orta okul üüredicisi, pedagogu hem bilim zaametçisi olarak işledi.

1967-1970 yıllarda Moldova Bilim Akademiyası tarafından hazırlanan Sovetlär Moldovasının Enşiklopediyasında üst redaktor olarak çalıştı.

1972-1992 yıllarda “Gavriil Muzicescu” adına incäzanaatlar İnstitutunda kulturologiya hem teatru zanaatında pedagog işledi.

1992-1995 yıllarında Komrat Devlet Universitetin rektoru, gagauz dili hem literaturası, gagauzların istoriya-



si, türkologiya hem teatru zanaatında profesör.

1994-cü yılda Profesör universitar bilim adını kabletti.

1995 yıldan – son gününädän Kişinev “İon Creanga” adına Devlet Pedagogika Universitetindä, gagauz dili hem literaturası sektiyyasının başı olarak, universitar profesoru zaamet etti.

Sovetlär hem Moldova Yazarlar Birlıkların (1958) hem Romıniya Yazarlar Birlıının (1998) azası.

1991-ci yılda “Gagauzların İstoriyası”nı yazdı hem tiparladı.

2000-ci yıldan beeri Moldova Yazarlar Birlıın gagauz yazıcıların sektiyyasının başı.

“Moldovanın İncäzanaatlarında Maestro” (1989 y.).

1994 yılda Türkiye Respublikasının “Kulturada Şannı” adı verildi.

1996 yılda Moldovanın “Gloriya Muncii” hem Romıniyanın “Crucea Militara” ordennarını kabletti.

2000-ci yıldan beeri “Gagauziyanın şannı vatandaş”.

Dionis TANASOGLU 1957-ci yılda gagauzların kiril alfavitini hazırladı hem bu alfavit Moldova Sovet Soşialist Respublikasının Üüsek Sovetinin tarafından kabledildi. Bu alfavitin temelina göre Dionis TANASOGLU gagauz dilinin ilk bilim orfografiyasını hazırladı.

XX-ci üzyılın elinci yılların sonunda hem altmışıncı yılların çeketmesindä başladı gagauz dilindä gazeta sayfalarını çıkarmaa, radioda gagauzça yayın yapmaa, gagauz okulları için ilk “Bukvalık” (1958) kiyadını hem başka üüretmek kiyatlarını hazırladı.

Hep ozaman gagauz literaturası uurunda profesionalca çalışan ilk gagauz yazıcısı oldu.

Dionis TANASOGLU gagauz literaturasının ilk toplumunu hazırladı – “Bucaktan seslär” (1959).

Poet olarak kiyat hazırladı: “Çal türküm” (1966), “Adamın işleri” (1969), “Hoşluk” (1970), “Gençlik türküleri” (1975).

Dramaturg olarak pyesa yazdı:



“Oğlan hem Länka”, “Bucakta yalın” h.b.

Bir şüpesiz, Dionis TANASOGLUnun en büyük, en derin, en önemli literatura yaratması – “Uzun Kervan” (1985) romanı.

Dünneyn çok anılmış yazıcıların yaratmalarını gagauz dilinä çevirdi: M. Emineskuyu, W. Şekspiri, Sofokluyu, N. Gogoli, İ. Karacalıy h.b.

Dionis Nikolaeviç TANASOGLUnun duuma gününün 90-cı yıldönümünä deyni “Pošta Moldovei” Orak ayın (iyül) 7-dä Komradın MD-3805 pošta ofisindä “Dionisie Tanasoglu (1922 – 2006), scriitor, muzician şi traducător gäğäuz – 90 de ani de la naştere” markalı konvert kolverdi.

Dionis Nikolaeviç TANASOGLU bütün yaşamasını gagauzlara, gagauz literaturasına, kulturasına, muzikasına hem folkloruna, teatrusuna, biliminä hem pedagogikasına baaşladı, o var hem kalër diil salt gagauz, ama romın hem bütün dünnä kulturasında er alan bir insan. Bunu hepsi kabul eder hem kabul etsin lâazım, zera bu uurda onun derin hem silinmeyän bir izi kaldı.

*Akademik Todur ZANET,
poet, yazıcı, dramaturg,
aaraştırmacı hem folklorcu.*

Patretlär avtorun arhivından.



Gagauziyanın Başkankası TİKAda kabledildi

Türk İşbirlii hem Koordinaşıya Agenstvosu (TİKA) Başkanı Serkan KAYALAR bildirdi, ani TİKAda kabul etti Gagauziyanın Başkankasını İrina VLAHı.

Başkan Serkan KAYALAR açıkladı, ani “görüşmedä ikili ilişkileri hem iş birliini geliştirmeye aarlık verilecek atılabilinecek adımnar elä alındı”.

Eridir urgulamaa, ani kurulmasından beeri, 30 yılın içindä, TİKA Gagauziyada 200-dän zeedä ekonomika, saalık, kultura hem cümne proektleri ömürä geçirdi. Şindi dä iki büyük proekt yapılêr – Komrat “Recep Tayyip ERDOĞAN üredecilik kompleksi” hem Valkaneş su vermä hem su atma proekrı.



TÜRKSOYa hayırlı olsun vizitında bulundu

Eni seçilän TÜRKSOY Genel sekretarini Sultan RAEVı kutlamak için, Gagauziya Başkankası İrina VLAH TÜRKSOYa bir hayırlı olsun vizitında bulundu.

İrina VLAHı hem onunnan bilä bu-rayı gelän Moldovanın Türkiyedä Büükelçisini Dimitriy KROYTORu Genel sekretar Sultan RAEV çalışma odasında kabledip, onnarlan görüştü.

Görüşmedä, İrina VLAH eni seçilän Sultan RAEVı kutlayarak, urguladı, ani Gagauziya hem TÜRKSOY arasında büyük ilişkiler var hem Gagauz kultura-sınınan incäzanaatının ilerlemesinde hem tanıtılmasında pek islää çalışmalar yapıldı.

Sonu 8-ci sayfada

Çadırdä Türkiyenin 15 Temmuz şehitlerine saygı

Gagauziyanın Çadır kasabasında, Türkiye Respublikasının “Demokratiya hem Milli Birlik Günü”n 6-cı yıldönümü çerçevesindä, 2022-ci yılın Orak ayın (iyül) 16-da Türkiyenin 2016-cı yılın 15 Temmuz şehitlerin anması-nın saygı sırası oldu, angısı yapıldı Çadır kasabasının primariyasının kararınan hem Türkiye Türk İşbirlii hem Koordinaşıya Agenstvosu Başkannın (TİKA) yardımınan bu kasabın “İzmit kardaşlık parkında” kurulan 15 Temmuz şehitlerine anmak nişan taşı yanında.

Sıra başladı 2016-cı yılın 15 Temmuz (Orak ayın (iyül) 15-şi) gecesı FETÖ tarafından Türkiyedä devlet devrimi denemesine karşı koyan 251 şehiti hem yaralanan insannara saygı duruşundan, nedän sora 15 Temmuz şehitlerini anmak nişan taşına çiçekler koydu. Çiçek koyma sırasında, başta Türkiye Kışinev Büükelçisi Gürol SÖKMENSÜER olarak, pay aldılar Türkiye Kışinev Büükeçiliin diplomatları, Türkiye Respublikasının

Gagauziya Komrat Başkonsulu Hasan AKDOĞAN hem Başkonsulluun zaametçileri, Gagauziya Başkankası İrina VLAH hem Gagauziya Halk Topluşı Başı Dimitriy KONSTANTİNOV, TİKA Kışinev programaların Koordinatörü Selda ÖZDENOĞLU hem TİKA ofisin işçileri, Gagauziya Halk Topluşun deputatları hem Gagauziya İspolkomun azaları, Çadır rayon administratıyasının öndercileri, Gagauziyada çalışan Türk üredecile-

ri hem iş adamnarı, sıradan insannar.

Olaylan ilgili nasaatlar sırasını açtı Türkiye Kışinev Büükelçisi Gürol SÖKMENSÜER, angısı candan-ürektän annattı o altı yıl geeri olan FETÖ tarafından Türkiyedä devlet devrimi denemesi için hem Türkiye halkının bu denemeyä karşı koymasını, hem da saygıylan andı devrimcilerä karşı koyan 251 şehiti hem iki bindän zeedä yaralanı.

Ardından nasaat etmeyä çıkan Ga-

gauziya Başkankası İrina VLAH, yarı gagauzça yarı Türkiye türkçesinde, zar-zor okudu onu, ne Canabisinä yazmış-tılar bir kıyatta onun yardımcıları bu önemni gün için.

Sırada mikrifona çıkan Gagauziya Halk Topluşı Başı Dimitriy KONS-TANTİNOV, bir kıyatsız, can duygula-rının nasaat etti o 2016-cı yılın Orak ayın (iyül) 15-şi gecesı Türkiyedä olan işlar için, urgulayıp bu FETÖ tarafından Türkiyedä devlet devrimi denemesinin durgutması için Türkiye halkın hem Türkiye Respublikasının Pre-zidentı Recep Tayyip ERDOĞANın büyük rolünü.

Anmak sırasında resim sergisi kuruldu hem bir pomana masası yapıldı.



“Aylä, sevgi hem saygı” yortusu bakıldı: 50 ley 5 minut için kam tuzluca! Kalanı gözäldi!

Gagauziya Halk Topluşun Kararınan, Gagauziya İspolkomun teklifinä görä 08.07.2022 günündä Gagauziyada bakıldı “Aylä, sevgi hem saygı” yortusu, angısı karşı koydu o manafık mindarluna, ani Moldovanın eni kuvetlerin zaametinnän üstümüzä akmaa başladı.

Gagauziyanın “Aylä, sevgi hem saygı” yortusunun sırası yapıldı Kazayak küüyündä. Yortuda gösterildi tarafımızın aylä adetleri hem din sıraları. Bu yapıldı ufak vidioroliklerin yardımınan, angıları çekildilär Gagauziyanın küülerindä hem kasabasında.

“Aylä, sevgi hem saygı” yortusunda kutlanıldı Kazayak küüyün en yaşlı çiftii – Mihail Födoroviç hem Stefani-İvanovna KEL.

Yortu sırasında oldu bir büyük konfert, neredä, Gagauziya artistlerinden kaarä, pay aldılar Çadır, Kıpçak hem Svetloe küülerin kliselerin türkücüləri dâ.

Bundan kaarä yortuda türlü el işeri hem ustalık sergileri vardı, uşaklara deyni master-klaslar yapıldı, oyun zonaları kuruldu.

Açık, uzun hem kıvrak bu yortuda uşaklara atrakşionnar işledi, ama yazık,



ani onnar paralıydılar hem pek paalıcaydılar. Pek islää olaceydı herliim bu yortuya herkezi kendi serviç maşinalarınan gelän Gagauziya, İspolkom hem rayonnar öndercileri tutaydılar bir ortak avtobus da ölä gelsinnär. Bundan maşinaların benzininä ekonomiya yapıp,

o ekonomiyanın paralarınan uşaklara parasız atrakşionnar kuraydılar. Ya sevinmelik olaceydı! Çünkü herbir aylä bu zor zamannarda 50 ley 5 minutluk sevinmelik için yok nicä hem yok neredän ödesin. Onuştan 50 ley 5 minut için kam tuzluca! Kalanı gözäldi!



“Demokratiya hem Milli Birlik Günü”ndä Türkiye Kişinev Bükkelçiliindän Moldova polițiya veterannarına yardım

Sıra 251 şehitinin anmasının susmak saygısınan hem Moldovaylan Türkiye gimnalarının çalmasınnan başladı. Ardından, Türkiye Kişinev Bükkelçisi Gürol SÖKMENSÜER annattı o altı yıl geeri gecesindä olaylar için hem saygılan andı o gecenin kahramannarını. Canabisi urguladı, ani Türkiye Respublikası terorizmaya karşıdır.

Bükkelçi Gürol SÖKMENSÜER urguladı, ani, artık adet olarak,

Türkiye Respublikasının “Demokratiya hem Milli Birlik Günü”n 6-cı yıldönümünän ilgili olarak, 15.07.2022 günündä Türkiye Kişinev Bükkelçiliindä oldu bir sıra, neredä anıldı 2016-cı yılın 15 Temmuz (Orak ayın (iyül) 15-şi) gecesindä devlet devrimi yapmak isteyän FETOCulara karşı koyarak cannarını kurban verän 251 şehit hem 2 bindän zeedä yaralı.

bu gündä Türkiye Kişinev Bükkelçili üçüncülää verer 251 kutu iyecek yardımını Moldova içişleri ministerliin polițiya kahramannarın hem veteranların aylelerine.

Türkiye Kişinev Bükkelçiliindän polițiyaçıların adına yardımını kabledän Moldova içişleri ministerliin devlet sekretari Jana KOSTAKİ (Jana Costachi) şükür etti Türkiye Respublikasına hem

Türkiye Kişinev Bükkelçiliinä milli kahramannara bu yardım jesti için.

Sıranın sonunda hepsi ikram edildi şerbetlän hem Türkiye Kişinev Bükkelçisi Gürol SÖKMENSÜER verdi Bükkelçiliin ödülünü “Demokratiya hem Milli Birlik Günü”n 6-cı yıldönümünä yapılan uşaklar arasında incäzanaat konkursunun birincisinä, ULİM kolecin 11-ci klasın üürenciykasına Viktoriya BURKAYA.



Büükelçi Gürol SÖKMENSÜER Moldova Prezidenti Maya SANDUylan görüştü

Kendisinin Moldovada Türkiye Kişinev Büükelçisi olarak çalışma zamanı sona vardu sebepinnän, Orak ayın (iyül) 21-dä Büükelçi Gürol SÖKMENSÜER Moldova Prezidenti Maya SANDUylan görüştü.

Nicä bildirer prezidentın pres-slujbası, Moldovanın devlet başı şükür etti Türkiye Kişinev Büükelçisinä o yardımna için, ani pandemiya zama-

nında Türkiye Moldovaya verdi, hem taa da ayırca şükür etti Ankaranın Moldova Respublikasının suverenite-tından hem toprak bütünündän arka olması için.

Kendi tarafından Türkiye Kişinev Büükelçisi Gürol SÖKMENSÜER Moldova Prezidenti Maya SANDUylan Moldova-Türkiye arasındaki işlar için kısıdan bilgiler verdi, *bildirer Türkiye Kişinev Büükelçili.*



Büükelçi Gürol SÖKMENSÜERä “Mihail Çakır” ordenı verildi

Türk hem gagauz milletleri arasında kardaşlık baalarını kaavileştirmek üzerinä hem Gagauziyada infrastruktura proektlarını ömürä geçirilmesindä Canabisinin zaametleri için Türkiye Kişinev Büükelçisi Gürol SÖKMENSÜERä “Mihail Çakır” ordenı verildi.

Büükelçilik mandatının sona ermesinnän, Türkiye Kişinev Büükelçisi Gürol SÖKMENSÜER bir ayrılmak vizitinnän Orak ayın (iyül) 4-dä Gagauziyada bulundu, neredä Gagauziya Başkankasınan İrina VLAHLan hem Gagauziya Halk Topluşu Başınnan Dimitriy KONSTANTİNOVlan görüştü.

Buluşmada, Gagauziya Başkankası verdi Türkiye Kişinev Büükelçisi Gürol SÖKMENSÜERä “Mihail Çakır” ordenını, Canabisinin türk hem gagauz milletleri arasında kardaşlık baalarını kaavileştirmek hem Gagauziyada infrastruktura proektlarını ömürä geçirilmäk uurlarında zaametleri için



15 Temmuz – Demokratiya hem milli birlik Günü

Altı yıl geeri, 2016-cı yılın 15 Temmuz (Orak ayın (iyül) 15-şi) gecesi Türkiyedä FETÖcular devlet devrimi denemesi yaptılar. Bu yapılan devlet devrimi denemesinä karşı koyan kahramannın anmasını hem 15 Temmuz (Orak ayın (iyül) 15-şi) günün “Demokratiya hem Milli Birlik Günü” olarak bakılmasının 6-cı yıldönümü kutlamalarınan ilgili olarak, okuyucularımıza Türkiye Respublikası Kişinev Büükelçisi Gürol SÖKMENSÜERin “15 Temmuz – Demokratiya hem milli birlik Günü” adlı statyasını tiparlêêrız.

15 Temmuz 2016 tarihinde, FETÖ terör örgütünün hain mensupları Türk milletinin hür iradesine ve demokrasiye karşı suç işleyerek, seçilmiş meşru Hükümeti hain bir darbe girişimi ile devirmeye teşebbüs etmişlerdir. Cumhurbaşkanımız Recep Tayyip Erdoğan’ın öncülüğünde Türk milletinin ve demokratik rejime bağlı şerefli Türk Silahlı Kuvvetleri mensuplarının çabaları ile önlenebilen bu meşum girişimin üzerinden 6 yıl geçmiştir. 251 vatandaşımızın şehadet şerbetini içtiği ve iki binden fazla vatandaşımızın yaralandığı bu gece yaşananlar, Türk demokrasi tarihi için birer ibret vesikası teşkil etmekte ve toplumsal hafızadaki canlılığını halen korumaktadır.

Türk halkı kendi demokratik ve meşru iradesinin hiçe sayılması karşısında tepki göstermiş ve demokratik kazanımlarını canı pahasına korumaya muvaffak olmuştur. FETÖ terör örgütü ve yetiştirdiği teröristler, hesap edemedikleri bu durum karşısında bocalamış ve Türk milletinin çelikten iradesi karşısında başarısız olmuşlardır.

2017’den beri “Demokrasi ve Milli Birlik Günü” olarak kutlanan 15 Temmuz, demokrasi tarihimizde altın harflerle yerini almıştır. Bu vesileyle aziz şehitlerimizin ve kahraman gazilerimizi-

zin kutlu hatıraları her sene hayırla yad edilmektedir.

Türkiye Cumhuriyeti Devleti karşı karşıya olduğu zorlu sınamalara ve yüksek güvenlik risklerine rağmen, bu hain teşebbüsün faillerini yargılamak hukukun üstünlüğü ilkesinden ve temel hak ve özgürlüklerin korunması prensiplerinden ödün vermemektedir. FETÖ terör örgütüne karşı verilen mücadele daima yasal ve meşru hukuk zemininde yürütülmektedir.

Hain terör örgütü FETÖ, aldığı ağır darbelerle rağmen özellikle yurtdışındaki faaliyetlerine halen devam etmektedir. Yalnızca Türkiye içinde değil, yurtdışında da örgütlenen bu terör örgütü, faaliyetlerini sürdürmek için her türlü gayrimeşru ve gayrikanuni yola tevessül etmekte, emellerine ulaşmak için faaliyette bulunduğu ülkelerin kamuoylarını manipüle etmekten çekinmemektedir. Bu nedenle, Türkiye Cumhuriyeti son dönemde FETÖ terör örgütünün yurtdışındaki yapılanmasıyla mücadeleye ağırlık vermiştir ve dost ülkeleri bu zararlı örgütün faaliyetlerine karşı mütemadiyen uyarmaktadır.

Bu doğrultuda, dost ve kardeş ülkelerle ayrıca yabancı muhataplarımızla temaslarımızda, FETÖ’nün küresel çapta bir tehdit teşkil ettiğini ve çıkarları için

hiçbir kanunsuz faaliyette bulunmaktan çekinmeyen acımasız bir terör örgütü olduğunu her fırsatta hatırlatıyoruz.

Türkiye Cumhuriyeti, FETÖ terör örgütünün yurtdışındaki faaliyetlerinin engellenmesi, teröristlerin adalete hesap verebilmeleri ve hain aktivitelerini finanse etmek için kullandıkları finansman kaynaklarının kurutulması için sürdürdüğü haklı mücadelesine devam etmektedir. Bu çerçevede, çeşitli idari tedbirler ve adli süreçler de devreye konulmuştur. Türkiye’de yürütülen yasal süreçler sonucunda, teröristlerin ülkemize iade talepleri ilgili ülke makamlarına iletilmektedir.

FETÖ’nün en önemli faaliyet sahalarından biri olan eğitim alanında, FETÖ iltisaklı eğitim kurumlarının kapatılması ve bu kuruluşların Türkiye Maarif Vakfı’na devredilmesine yönelik girişimlerimiz sürmektedir.

FETÖ’nün kanlı emellerini gündeme getirerek birçok ülkenin bu örgütün gerçek yüzünü anlamasını sağladık ve bunun sonucunda bazı ülkeler FETÖ’ye karşı harekete geçtiler. Bu sayede, sözkonusu ülkelere FETÖ’nün gayri kanuni işleri ortaya çıkartıldığı gibi, çok sayıda örgüt mensubunun Türkiye’ye sınır dışı edilmesi ve FETÖ iltisaklı eğitim kurumları-

nın kapatılması veya Türkiye Maarif Vakfı’na devredilmesi sağlanmıştır. Maarif Vakfı ayrıca pek çok ülkede yeni okullar açmıştır.

FETÖ, iddia ettiği gibi hayır hasenat faaliyetleriyle meşgul olan, toplum yararına çalışan bir toplumsal hareket değildir, tam aksine eli kanlı bir terör ve ihanet şebekesidir. FETÖ, son derece karanlık emellere sahip, suç işlemekten çekinmeyen bir terör örgütüdür. Bu hususları uluslararası toplumun ve yabancı muhataplarımızın dikkatine getirmek için yaptığımız girişimlere ara vermeksizin devam ediyoruz.

Çeşitli ülkeler ve uluslararası örgütler, FETÖ’yü terör örgütü olarak ilan etmişlerdir. Bu çerçevede; 19 Ekim 2016 tarihinde düzenlenen İİT Dışişleri Bakanları 43. Toplantısında FETÖ terör örgütü olarak ilan edilmiş; benzer bir karar 1 Aralık 2016 tarihinde Asya Parlamenterler Asamblesi tarafından alınmış; 27 Ocak 2017 tarihinde ise İİT Parlamenterler Birliği’nin 12. Konferansında teyit edilmiştir. Ayrıca KKTC’ye ilaveten, Pakistan Yüksek Mahkemesi, 28 Aralık 2018 tarihinde aldığı kararla, FETÖ’yü terör örgütü olarak tanımlamıştır.

FETÖ’ye karşı mücadelemizi kararlılıkla sürdürmeye ve bu acımasız terör örgütünün tüm mensuplarının adalet önünde hesap vermesi için çaba göstermeye devam edeceğiz.

Gürol SÖKMENSÜER,
Türkiye Cumhuriyeti Kişinev
Büyükelçisi

Gagauziya Başkankası TÜRKSOY'a hayırlı olsun vizitinde bulundu



Gagauziya Başkankası TÜRKSOY'un gagauzçayı yaşatmak için hem gagauz dilinin kültürünü gelecek evlatboylarına katkılarına şükür etti.

Kendi tarafından TÜRKSOY Genel sekretari Sultan RAEV urguladı, ani onun zaamet borcu Türk halkların kültürünün hem incəzanaatının korunması hem, yaşatılarak, gelecek boylara aktarılmasıdır. Sultan RAEV söledi, ani ileri dooru da bu işbirlii arttırlacak, TÜRKSOY'un etinniklerine kultura insannarı da çaarılacak hem, 2023-cü yılda TÜRKSOY'un 30-cu yıldönümündə yapılacak kultura sıraların birisini də Gagauziyada yapmaa plana koyuldu.



Gelinnerimiz kara kaşlı – gözəl, kıvrak hem yakışıklı

Çadır Uşak yaratmak Merkezin “L” adlı Modalar Teatrusunun öndercisi Lidiya İvanovna TODİEVANIN önderciliində, teatrının modelleri büyük havezlən tanıtılaraq gagauzları “İA MANİA – 2022” festivalində. Başlayıp Lidiya İvanovna TODİEVANIN çalışmalarının dünneyi getirilən o milli gagauz rubalarının podiumda gostemesindən, çadırlykalılar festivalə katılannara deyni gagauz milli oyunlarını da oynadılar.

Fotolar: Andrey SOLONAR



Başkanka küsülüydü, kalanı – haliz gücenikti

Orak ayın (iyül) 22-də Türkiye Kışinev Büükelçisi Gürol SÖKMENSÜER, kendisinin Moldovada çalışma zamanı sona erdii için, bütün gagauz soydaşlarına deyni bir ayırılma reçeptiye buluşması hem ikramı yaptı.

Gagauzların tarafından reçeptiyada pay alan insannarın önündə konuşarak, paalı Büükelçi Gürol SÖKMENSÜER şükür etti hepsiciinə, kendisini bu avşamda saydıkları için hem kısıdan annattı Türkiye'ye hem türk halkına gagauz soydaşların önemni olmaları için, onnara yardımınarı, ani Türkiye TİKA yolunna gagauzların ayakta kalması için yapêr.

Gagauzların adından söz tutan Gagauziya Başkankası İrina VLAH, ilktən bir yufkaca gagauzçada hazırlanmış yaprakdan mesajını sıkılı okuyarak, şükür etti Büükelçi Gürol SÖKMENSÜER hepsi o yardımınar için, ani Gagauziyaya yapıldı, ayırı söyleyerek onnarı, ani pandemiya zamanında Türkiyeden geldi. İrina VLAH urguladı, ani kendisi pek

küsülü ona, ani şimdi Türkiye Kışinev Büükelçisi Gürol SÖKMENSÜERlən ayrılmaq sırası geldi.

Yaprakta o yufkaca gagauzça yazı bittiktən sora da, İrina VLAH kendi canından gözəl bir gagauzçada tekrar şükür etti paalı Gürol SÖKMENSÜERə hepsi o işlər için, ani Canabisi bu dört yılın içində Gagauziya için yaptı. Gagauziya Başkankası İrina VLAH dua etti Gürol SÖKMENSÜERə saalık hem uzun ömür.

Gagauziya Halk Topluşu Başı Dimitriy KONSTANTİNOV da kendi sözündə bildirdi bütün gagauzların gü-

cenikliini o işə, ani dört yıl pek hızlı geçti da Türkiye Kışinev Büükelçisi Gürol SÖKMENSÜERin ayrılmaq sırası geldi, umut ederək ona, ani ileri dooru da kendisini Gagauziyada görecez.

Ayırılma reçeptiyasında, Gagauziya öndercilerinden kaarə, pay aldılar Gagauziya Halk Topluşun hem Moldova Parlamentin deputatları, İspolkomun azaları, primarlar, gagauz yazıcıları hem bilim adamnarı, Türkiye Kışinev Büükelçiliin hem Komrat Başkonsulluun personalı hem da TİKA Kışinev ofisin zaametçileri.



“ANA SÖZÜ” Gagauz dilində gazeta
Çıkêr 14.08.1988 beeri

Kurucu “ANA SÖZÜ” S.R.L.
Sertifikat No. 1003600086420

Todur ZANET
Baş redaktor

İndeksi - PM – 21358

Gazeta “Universul” basım evində basılêr
Tiraj – 3020 ekz. Sımarlamak No: 566

YAZIŞMA ADRESİMİZ:
RM – 2028, Moldova, Kişinêu,
c/p Nr. 1025. Tel/fax: 022 28-18-04
e-mail: todur.zanet@gmail.com
zanet@anasozu.com